



增訂

慶弘紀聞

伊5
3996
2



3996
2

十三朝紀聞卷之三

從六位下行兵部察史生兼和泉掾源朝臣照矩編次

男 正七位下長門掾源 賴矩 校

靈元天皇諱識仁 後水尾帝第十六子也母中納

言局諱國子號 新廣義門院贈左大臣園藤原基

音之女萬治元年為親王至是受禪時年十歲仍用

寬文號二十九日 法皇 東福門院共入見 帝

○二月三日尊 後西院帝曰太上天皇稱新院更

稱 明正帝曰本院六日以前內大臣經孝為右大

臣房輔左大臣如故廣通辭內大臣二十一日 帝

明治新刊 三朝紀聞 卷三

其親書或友

始讀書，三位明經博士清原相賢侍讀。○三月十二日，勅設歌會，以鶯有慶音為題。○四月遣使日光，修大猷公十三年齋，大將軍詣焉。二十二日遣左衛門志王清喜祭主，大中臣景忠小舍人齋部玄弘奉幣于大廟告嗣位。二十七日行即位禮。大將軍使侍從出羽守松平直政侍從兵部大輔大澤基時朝賀，四位五萬石以上諸大名亦使使奉賀。於是特授直政左近衛少將，基時所司代親成右近衛少將。三士奏曰：告江戶而後拜幕議令二使領之親成辭之。○五月幕府奏令天下禁殉死。○七月奏大赦天

禁殉死

法皇召見

下二十五日松前及蝦夷地大震。○八月五日京師大水，鴨川溢，幕府以大和守久世廣之為老中。○十月大將軍營觀，權大納言藤原雅章蹴鞠。○十二月六日夜京師地震，市舍多毀。○四年二月經孝辭右大臣。○四月五日以前內大臣公富為右大臣。○五月二日以權大納言兼晴為內大臣，左大將如故。○六月幕府奏削米澤侍從上杉綱勝封舊食三十萬石於坐事，褫其半，清水谷氏自永正中絕矣。阿野藤原秀時孫實任嘗繼之，任權大納言。至是薨。○七月法皇召見江村宗具，問養生之方，奏對曰：臣平

生唯持一些字喫食些節飲亦些房事亦些此外無復別術 法皇感賞賜以銀絹并鳩杖等具號專齋京師人初以儒事肥後加藤清正清正沒後為美作森忠政賓師受其俸幼歲學醫自攻濂洛之學又好和歌與細川幽齋木下長嘯子等為友是春自慶壽滿百歲詠和歌三首亦偶備 御覽云至九月歿其子宗珉亦有學行弟子伊藤宗恕平安人錄其嘗所語亂世事等名老人雜話傳于世○八月初大將軍造 新院至是成二十一日 後西院上皇徙御焉○九月從一位光平辭攝政二十七日以左大臣房

輔代之補藤氏長者聽內覽賜兵仗牛車○四月從三位藤原教廣有罪二十九日 詔流之安藝○朝山素心歿心姓源字藤九號意林菴京師人出雲朝山清仁親王之裔宮內少輔久綱之子篤志於學嘗受經於韓人李文長游事駿河大納言忠長數年退隱北白川 後光明帝聞其名徵講易寵遇異常多有書器之賜歿年七十六○十月客星見南方踰月乃不見時呼天角星先是 大將軍命林恕撰續本朝編年至是命索天下祠寺所藏延喜以來武乘以足其引用尋改書名曰本朝通鑑凡三百卷○十一月

法皇女常子內親王降嫁近衛藤原基熙○五年正月二日夜雷震大坂城天生閣災公富辭右大臣十一日以前內大臣兼晴為右大臣○四月遣使日光修六日以前內大臣兼晴為右大臣○四月遣使日光修東照公五十年齋○六月朔以權大納言右近衛大將基熙為內大臣○七月三山檢校聖護院道寬法親王奉勅詣大峰幕府令改縮布長二丈六尺為一端幕士松平忠冬補正其祖所著家忠日記成曰增補追加○八月幕府奏收伊豫川上監物一柳直興封竄之加賀以禁城修築過期幕府會同違節

也從一位前左大臣九條藤原幸家薨年八十子道房先薨無嗣鷹司教平子兼晴繼之是月幕府奏增置京師町奉行以宮崎若狹守為之寬永中始置町奉行也建一廳于二條朱雀至是又起一廳于二條城南○十月二品式部卿八條摠仁親王薨年二十三無嗣○十一月幕府流日蓮教派不受不施宗妖僧若干人嚴禁其宗○十二月聽權中納言源有能帶劔先是幕府奏益內膳正板倉重矩封至是再加其封與但馬守土屋數直並為老中二十七日越後高田地大震是歲勅赦大中臣友忠罪召還京師

火光 六年三月二十六日江戶有火光東飛形如人長二

丈許○五月宮津大名京極高國與其子高賴爭事幕府奏收其封流高國于陸奥高賴于伊豫○七月從一位前攝政藤原康道薨年六十子光平嗣○九月藏人清原賢忠卒舟橋秀賢之子是為伏原家祖賢忠嗣子宣幸子藏人忠量為澤家祖○十二月權中納言菅原為庸辭大學頭二十五日詔新院第一皇子長仁紹八條殿封是歲聽吉田卜部兼敬昇殿後叙正二位兼敬平野廟祝卜部平磨呂裔吉

田兼熙十二世五位神祇少副兼起之子吉田氏自

是世列朝貴諸國竹實而枯○七年二月二月堂火

○閏二月攝政房輔辭左大臣○四月六日詔

新院第二皇子幸仁紹花町殿封自新院登極花

町殿無主至是第門再開八日以前右大臣實晴為

左大臣○七月五日贈故權大納言藤原基音左大

臣遣少納言菅原豐長于誓願寺宣命大將軍聘

神道者吉川惟足足界浦人初為浮屠嘗聞卜部繁

兼精通神道往求為門人謁者見法衣垢弊不為通

足悽然乞紙筆賦和歌投之而去繁兼大奇其調以

足微江

月台新刊 三月廿四日 卷三 其新機

江戶增拓館地

多田改造廟

為天致斯人使吾學不泯乎馳人呼反盡授奧秘尋
 還俗游事會津至是為幕府神學有幽暗集初幕府
 填缺炮淵本所深川諸洿以增拓諸武館地多開溝
 渠自萬治至是十歲乃畢○十月賜左大臣實晴隨
 身兵仗是歲幕府改造攝津多田神祠給下野足利
 學校修屋金○八年正月白氣見西方狀如竿○二
 月江戶大火初鳴原高力隆長極驕厚歛土地荒蕪
 於是幕府奏收其封流之陸奧僧日政歿政字元政
 姓菅原京師人幼仕彥根有孝行弱冠厭俗出家依
 日豐和尚受業自稱日峰為久精力絕倫道德甚高

元政創法華律

屬文善詩歌了介元贊等與為方外交嘗創法華律
 修深草霞谷廢寺改曰瑞光寺又號稱心菴自為其
 開山遺書有釋氏二十四孝草山要路草山集等元
 贊字義都姓陳氏本明虎林人崇禎進士嘗避亂來
 應名護屋徵遊京師及江戶訪諸聞人傳拳法嫻邦
 語工詩有元元唱和集○三月十六日以攝政房輔
 辟關白○四月天下大旱○五月實晴辭左大臣幕
 府奏以老中板倉重矩為所司代徙前所司代牧野
 親成于田邊田邊京極高直于豐岡村上松平直矩
 于姫路○九月朔以前右大臣公信為左大臣○十

月從一位前左大臣鷹司藤原教平薨年六十子房
 輔嗣○九年正月二十三日遣權中納言菅原為庸
 等于北野行遷宮儀京師飢幕府為粥于七松街四
 條積二處賑之至四月止或傳 帝勅大將軍行之
 ○二月二十四日以皇姪長仁為親王○三月三日
 有大星東流聲如雷先是 法皇勅大將軍大修泉
 涌寺至是成○七月十一日天狗星東南流先是蝦
 夷玕緣利酋長勺赭印將其部眾掩殺我商舶二百
 七十餘人二十日大將軍命松前泰廣往討之泰廣
 松前藩族也時藩主兵庫尚幼故命之○八月二十

夷討蝦

七日以花町幸仁為親王○十月泰廣至玕緣利捕
 勺赭印等五十餘人誅之燒巢穴而還賊平左近衛
 中將藤原隆修卒權中納言水無瀬氏成之子是為
 七條家祖其兄權中納言兼俊次子大藏大輔具英
 為町尻家祖具英弟縫殿助兼里為櫻井家祖兼里
 子治部卿兼仍為山井家祖○閏月大將軍奉 勅
 獻四書大全五經大全十三經二十一史太平御覽
 二程全書朱子大全諸書權大納言源忠幸薨 正
 親町帝曾孫是為廣幡家祖忠幸初為名護屋源義
 直贅婿是歲義直子光友因久奏請列之清華聽之

蹟今

歸京師賜源姓未徙新第薨無嗣久我源豐忠繼之
 豐忠權中納言通名之子義直之甥後進內大臣從
 一位光友官至從二位大納言善書工畫時以 後
 西院上皇藤原信尋光友為今三蹟云○十一月朔
 且日南至設節會參議藤原定淳奉行二十一日故
 前左大臣教平女房子入為女御大將軍使松平美
 作守等朝賀大婚○十二月公信辭左大臣十八日
 以權大納言藤原實維兼右近衛大將尋補右馬寮
 御監○閏月賜右大臣兼晴隨身兵仗是歲出雲豐
 前肥前大水幕府奏徙久世廣之于關宿朽木植昌

市原民祭重矩

于福智山○十年二月江戸大火幕府以所司代內
 膳正重矩復為老中重矩勝重子重昌之子自幼聰
 敏能詩歌多善行其再辟老中聘了介等益求治道
 公平賞罰後又加封徙于烏山初所司代時洛北市
 原村為大水所破窮困重矩厚賑濟之購村之山脚
 以開新道通行旅又增築大和大路畷堤以止農民
 患及任滿市原民大嘆歿後每盆會如意嶽祭之云
 ○四月七日以前右大臣經孝為左大臣○八月二
 十三日大坂大風霾海溢破九條難波諸村及市舍
 多溺入船舶橋梁皆敗○九月民部卿安倍泰吉卒

三位土御門久修之子是為倉橋家祖是歲幕府奏封源賴宣次子少將賴純于西條以伊賀守永井尚庸為所司代京民始出山科迎之○十一月九日以權大納言藤原兼輝兼右近衛大將翌月補右馬寮御監○十一年正月權大納言源賴宣薨東照公之子為人雄豪好學尚素嘗與其臣李全直共撰創業記考異其營老室草索結之壁不巧云是為和歌山藩祖全直韓人真榮之子真榮慶尚道人文祿役所俘來業儒寬永中沒直喪父尚幼徙州儒永田道慶學學成為賴宣所聘云○四月幕府褫一關伊達宗

賴宣

勝封予之於仙臺流宗勝于土佐宗勝中納言政宗季子支封任兵部少輔貪慾覬覦其宗仙臺及兄陸奧守忠宗卒忠宗子綱宗補陸奧守乃與仙臺宰原田直則等陰謀使誘綱宗荒于名妓聲其失幽之立綱宗櫻子鶴千代置毒于其食中為鶴千代乳母所發遂及之初列宰伊達宗雪稍知宗勝謀不軌乃及鶴千代嗣立使女弟淺岡為之乳母松前重光為近侍以陰備不虞一日淺岡見鶴千代將食常膳心動召庖人嘗之即死宗勝不自安使其家人夜刺鶴千代亦為重光所拘邸內詢詢逆黨神並者竊誓書走

宗雪

至仙臺自首宗雪乃馳江戶上書訴之老中重矩等聽獄決既而直則因大老酒井忠清詐愬曰僕有一冤事未得白焉請復聽之諸老中乃蒞忠清邸廳再召宗雪直則等聽之不可欺也宗雪直則同退休于廳緣相距可二丈直則襟出一紙直謂宗雪曰吾所謂冤事此也言未畢斫殺宗雪左右驚起共殺直則焉宗勝罪當斬減死流之于海嶋餘數十人刑于仙臺鶴千代後名綱村大將軍使掃部頭伊井直澄詣日光修大猷公二十一年齋○五月經孝辭左大臣七日以右大臣兼晴代之二十五日以内大臣基

助三
印復
父仇

熙為右大臣○七月琉球王尚貞使來獻幕府○八月五日以權大約言實維為内大臣二十九日東海大水流六鄉川橋九十餘間○九月攝津芥川驛松下助三郎殺其父源太離早川八丞初源太同八丞父四郎仕故會津藩加藤氏四郎有怨源太欲殺之不果罹病遺命八丞曰我死勿設齋誦經必斬源太以慰我魂八丞繼父志殺源太于江戶時助三年十二以父離不同天行倚母家于京師學擊劍於傳藏者其兄栗田三郎亦計復離而以仕石見藩未果及聞助三志鳴中田坂根二士助之二士東上過芥川

聞八丞為普化僧匿焉至是二士傳藏偕携助三往
 芥川絕八丞走路以援之助三甫十四有膂力獨進
 斫殺八丞○十一月攝津伊丹山躑躅及其野諸草
 皆華○十二年二月從一位前關白一條藤原昭良
 薨年六十八子教輔嗣○三月初 法皇同 東福
 門院幸修學院歲二三四五回去歲九回自是春幸
 益屢云○石川凹歿凹初名重之參河人仕于東照
 公好讀書善詩及和歌韓人權式稱為日東李杜又
 工丹青詩仙堂仰板畫龍其遺蹟也大坂役顯戰功
 即日致仕養母徙藤原肅游母沒後棲遲東山自號

丈山 日東 李杜

六六山人又丈山築詩仙堂揭漢晉唐宋詩三十六
 首使狩野守信每首加詩人圖常鼓琴自娛焉諸軒
 冕來訪皆謝絕之唯友林信勝堀止意野間三竹及
 僧日政陳元贊等一時盛推其風韻 法皇嘗命作
 隸書稱 旨命中使賜以酒魚又嘗召見固辭上和
 歌以表其志 法皇曰恬退如此朕豈強之哉親點
 易反賜之感戴用寶貝置御點于硯蓋傳榮不朽云
 歿年九十二正意字敬夫近江人師藤原肅與信勝
 那波道圓松永遐年齊名善詩精方術慕晉陶潛為
 人壁間常懸其畫像日對此頓消塵慮○六月 勅

月廿一日 三月廿四日 卷三 十一 其新撰補

更幸仁親王花町第名曰有栖川殿○閏六月二十九日以權大納言兼輝為內大臣○十月從三位藤原宣持卒權大納言中御門尚良之子是為岡崎家祖○十二月左近衛中將肥後守源正之卒正之台德公子究心經學兼通神道初受神道於惟足後學閣齋所著有神社志二程治教錄三子傳心錄玉講附錄吉田卜部兼敬以其有功於神道贈稱曰土津靈神卒年六十四正之臣有小堀與五家至貧清白自守一日正之謂曰汝以何為樂曰臣樂貧乏與非女人此他一樂難上言耳強令言之固辭乃先問所以樂貧曰臣無資金無貳衣佩刀亦唯一雙故無更衣改佩求吉等患而身心安快是以甚樂之後正之及聞其所難言大嘆賞曰寡人蚤得聞斯言身之不肖亦不至此即日益俸大用之云是歲幕府奏徙脇坂安政于龍野堀親昌于飯田清人魏九官等四人歸化乞居長崎許之○延寶元年正月權中納言藤原康胤卒權大納言高倉永家之孫是為堀川家祖其弟參議信孝為樋口家祖○二月法皇聞智積院僧悔焉者善寫梵字召見書之稱吉賜以綿絹

自守清白

○四月二日法皇賜黃檗山萬福寺主隆琦稱曰

三月己卯 卷三 十一 土親村

大光普照國師 法皇嘗詔問南宗奏對稱 旨賜

以御香黃金并佛舍利等於是聞其罹疾降 詔問

之特賜以生謚尋沒年八十二○五月八日夜廷臣

某家失火延燒 皇宮及 法皇 本院 新院

東福門院四宮 帝奉 三神器避火上御靈祠九

日夜自祠幸右大臣藤原基熙第是災也民舍亦五

千餘戶延燒是月諳厄利亞使舩至長崎乞復互市

幕府弗聽使人名齊紋沉留并○九月二十一日改

元延寶○十二月幕府以播磨守阿部正能為老中

○二年二月二十六日夜有黑雲廣一丈許長竟天

互東西○四月十一日畿内大水流三條橋多溺人

○六月十一日京師大雨雹如栗子十四日畿内大

水人馬死者多○法印狩野守信卒京師人元信五

世孫號探幽齋襲父孝信職掌繪局幼歲失父依興

意受家法既熟又學宋元名蹟參以雪舟減筆法一

洗家法為中興祖名震海内寬永中幕府徵畫營中

卒年七十三子孫世為幕府畫員弟尚信號自適齋

亦善畫名世守信姪女雪信學守信世稱女畫中興

其子春信亦能畫守信弟子久隅守景京師人善山

水人物探幽門下無出其右者鶴澤探山及尚信子

江戶畫人探幽

載餓路

常信常信子周信亦皆工畫○十一月聽權中納言
平時量帶劔○三年正月大將軍作大內及諸宮
課諸大名助役天下大飢餓葶載路京師棄兒空屋
比比而在大將軍奉勅賑之設場于北野四條磧
五條磧諸處與粥及錢米自三月至五月而止慶長
亂後比歲豐稔京師斛米價率銀十八錢其後至二
十四五錢既而漸次涌貴平價不下四十錢至是斛
銀百三四十錢云○四月先是紀伊商船偶颶漂至
無人嶋歸告幕府至是幕府遣人檢其地至六月以
異木水禽等而還此嶋在八丈嶋南三百餘里其周

法皇
八十
壽會

廻六七里無居民或傳無人嶋去八丈一百里嶋所
縱橫六七十里其數大小五六十有父母兄弟姊妹
等嶋號○六月中勢卿八條長仁親王薨年二十一
無子八月十二日詔其弟尚仁繼之○九月三日
皇子朝仁生○十一月大內成十四日設尚齒會
慶法皇壽八十黃檗山僧性敏獻其所著僧史等
于法皇以奉賀之敏號高泉明人歸化繼萬福寺
第五世先是法皇勅之製十牛頌稱旨賜以法
衣其開天王山賜額曰大圓覺二十五日夜闕下西
街失火延燒近衛行宮本院宮及縉紳宅六十

餘宇 帝奉 三神器幸粟田青蓮院 新内得全
 即日還焉御女御之所二十七日移于便殿是歲幕
 府奏封參議忠昌孫直堅于絲魚川清人天南何清
 林珍歸化至長崎○四年三月聖護院道寬法親王
 薨年三十 法皇第十一子也去歲長崎代官末次
 竊遣商船交易於清及臺灣等事覺邦貨中多有劍
 刀至是幕府斬其船數人流末次父子于隱岐末次
 母于壹岐臺灣古塔伽沙古○四月所司代尚庸罷
 山城守戶田忠昌代之○七月天下大水破三條五
 條兩橋東海尤甚○十一月三井寺圓滿院永悟法

親王薨年十八 新院第三皇子也○十二月二十
 六日夜 法皇宮 東福門院宮並再災○五年正
 月大將軍又作之○四月成 法皇門院還焉○七
 月三日尊所生中納言局為准后稱 新廣義門院
 五日薨圓滿院三宮薨年三歲 上第三子也幕府
 以加賀守大久保忠朝為老中○十月九日尾張海
 溢時有三火光自海出飛西北是夜水戶磐城亦海
 溢縫殿頭藤原貞長卒宰相甘露寺嗣長之子是為
 堤家祖宰相即參議○十一月正二位左大臣九條
 藤原兼晴薨年三十七子輔實嗣○十二月五日以

一龜
兩頭

右大臣基熙為左大臣二十四日以内大臣兼輝為
右大臣二十六日以權大納言藤原經光為内大臣
大父保忠朝獲一龜兩頭於其部内以獻幕府○閏
月大將軍獻納冊府元龜二百五十冊稗海八十冊
正百川學海二十四冊續百川學海二十四冊廣百
川學海二十四冊三才圖會五十冊○六年二月一
品仁和寺性兼法親王薨年四十二 法皇第五子
也○六月十五日 東福門院崩年七十二葬于泉
涌寺○七月十八日伊豫土佐豐前大風水○九月
大將軍賜其弟參議綱重死初綱重極驕用竭乃面

請大將軍借金大將軍不快以咨大老酒井忠清對
曰是大不敬也遂傳命使自殺○十一月内大臣經
光辭右近衛大將十九日以權大納言藤原公規弟
右近衛大將賜經光隨身兵仗○七年正月參議藤
原資忠卒烏丸光廣之子是為勘解由小路家祖其
姪參議資清為裏松家祖○四月幕府賜侍所司代
忠昌役俸一萬石○六月二品昭高院道晃法親王
薨年六十八親王 後陽成第十一皇子號似雪工
畫人物花禽及雜圖雅韻溢紙外○七月幕府以能
登守土井利房筑前守堀田正俊為老中○八月十

復放生會

五日遣權大納言藤原經敬等至石清水命修放生會是典廢者數百年至是復行自後每年遣使修之

○八年正月知恩院尊光法親王薨年三十六 法皇第十子也准門跡本願寺主建一寺于江戸築地

○五月右大臣征夷大將軍薨年四十無嗣其弟館林參議右馬頭綱吉奉遺命繼之於是叙權中納言正三位時年三十五輪王寺守澄法親王薨年四十七 法皇第四子也○六月天台座主梶井盛胤法親王薨年三十一 法皇第十四子也二十六日贈大將軍太政大臣正一位賜諡曰嚴有院鳥羽和泉守

常憲公繼職

內藤忠勝以私憤斫殺信濃守永井尚長于增上寺嚴有公齋場明日賜之死收其封○七月 新院女御池田氏薨十八日以權中納言源綱吉為征夷大將軍兼右近衛大將補源氏長者賜兵仗牛車大將軍大猷公第四子也○八月十九日 法皇崩年八十五稱後水尾院二十三日以大將軍為內大臣遣權大納言藤原定誠權大納言源有維就江戸拜之

○閏月八日葬 後水尾帝于泉涌寺○九月大將軍使掃部頭井伊直興等朝謝陞職之恩以內膳正板倉重種為老中命林春常蔀友元討論經義于前

明治新史 三朝新聞 卷三 廿六 其親楊植初

爾後月行之○十一月十日遣兵庫頭王兼字祭主
大中臣景忠小舍人齋部玄弘于伊勢修神嘗以
法皇喪遷延之晦日白氣見西南廣二尺長十餘丈
其本有星踰月不滅時名長空星○辛酉天和元年
自九月不雨至于正月○二月大將軍命春常正四
書五經小學等訓點三月以豐後守阿部正武為老
中○六月近衛中將越後守高田源光長有罪幕府
奏收其封流之初光長無子其弟長良冀繼之眾亦
屬望而光長宰小栗正矩等立長良從子綱國為之
嗣以告幕府既而列宰萩田主馬等與長良同訴幕

高田
氏

府曰正矩大六父子專政恣定光長繼嗣獄數年不
決至是大將軍親聽斷之誅正矩父子流光長于伊
豫長良主馬于八丈大老酒井忠清老中久世廣之
忠清弟田中酒井忠能及姬路松平直矩廣瀨松平
近榮等連坐之忠清廣之褫役忠能奪封放于彦根
直矩削封徙于日田近榮亦削封○八月京師民口
五十萬七千五百四十八人○九月二十九日改元
天和○十一月權大納言藤原實起及其子參議公
連有罪 詔褫其官流之佐渡幕府以所司代戶田
忠昌為老中丹後守稻葉正通為所司代江戸火幕

澠水 酷愛 櫻花

儒困頓甚久之安東守約執謁為弟子中分其俸養之無幾為源光國所聘賜俸五百石甚蒙眷待至是終于水戶氏江戶邸年八十三之瑜性行高潔歸化已來不近婦女有二子大成大成共殉明氏先父而死大成子毓仁延寶中慕瑜至長崎瑜不見與牘令還瑜愛櫻花後園植數十株日使中國產之富冠百

光改 篤孝

花能為邦語及病革復漢語云守約輯遺文曰心喪集語中納言光國亦共綱條輯三十卷曰舜水文集刊之綱條光國兄賴重之子為光國嗣子守約字魯默為柳川藩舊族蚤從遐年研究經術能屬文遐年沒後師瑜授經學文章之訣得關西巨儒之稱年過四十未娶瑜贈書曰虧孝道乃初娶云○五月備前近衛少將池田光政卒光政字新太郎參議輝政子侍從利隆之子英明事母篤孝嗜儒學善韜略國內每郡設三黷庶民聽其講讀城門置一甌訴者投書自聽斷之尋孝義者厚賞之嘗謂列宰曰苟見寡人過失宜直諫之汝等亦遇爭者必勿拒之有一臣告曰君目光如射臣等不得仰面是或遮言路請少顧焉政欣然容之云卒年七十四自十二月畿內疫及是死者甚多○六月初大將軍奉勅造東宮至是

江戶徵木
下順菴

成皇子朝仁徙焉。○七月幕府聘木下貞幹於京師。幹字直夫號順菴幼善讀書工詩文及長有盛名於世。後光明帝欲辟直講會晏駕乃寢至是為江戶儒員嘗云學者欲通曉須先熟讀十三經註疏至元祿中歿年七十八門下有源瑛室直清兩森東松浦儀祇園瑜西山順泰南部景衡柳原玄輔等瑜號南海仕和歌山能詩有畫名玄輔號望洲和泉人亦仕和歌山不好區別學派每講讀雜用漢魏傳註宋明釋云近世諸工匠其所造器招牌必記天下一字是幕府令禁之。○八月朝鮮三使尹趾完李彦綱

朴慶俊來獻幕府。○九月大藏權大輔藤原有尚卒。權大納言日野弘資之子是為豐岡家祖大將軍命韓使操馬於外櫻田觀之。○山崎嘉歿嘉字敬義號闇齋京師人其親祈日吉祠而所生也幼祭驚不可制父故以為僧號絕藏主嘗聞谷時中精程朱之學往土佐學焉多所發明遂去浮屠教授京師酷斥佛氏時人以為濂洛正傳爭趨其門門生向六千人由是晦翁學始盛行於世嘉好神道晚就惟足極其間與遂為神學中祖下部兼敬大賞其功授稱曰垂加靈社祖長命所著有朱易衍義中和集說性論明備

其見後載反

老老及人之老

錄文會筆錄水風抄大和小學會津風土記垂加草
垂加社語蓋徹問答其他甚多川井正直年將五十
始學嘉謂曰入道莫如敬之故宜先持敬字矣汝不
幸過時不必讀書吾為汝有言也曰每事躬行之正
直服膺其誨修行不急常悔往日敬親之薄懼來日
養親之短父母沒一室為喪次不出戶者三年嘗有
告父不慈者正直不答流涕告者異問正直曰子言
為梟鳴不祥甚矣子之至吾廬脚也告不慈舌也莫
非行父母之遺體者子以技擊幹此謂骨肉相噬而
天地之所不容王法之所不容也不祥莫大焉言畢

而泣告者感謝自是孝於父母云正直名于時高智
文學大高坂李明就問修身之津曰莫追前日之蹤
莫逐後日之杳唯一日目下勉為善而已勉行日久
則慣習而善斯成性矣正直躬膺四書集註孝經刊
誤小學句讀近思錄集解朱子語類魯齋全書等或
詰曰子所寫書皆刊于世子且藏之所寫將何用哉
曰寫之非適於用不用所以習敬也○十一月從一
位前左大臣二條藤原光平薨年五十九無嗣九條
兼晴子綱平繼之○十二月二日以皇子朝仁為親
王十八日親王始讀書江戶大火是歲沼田真田信

復立太子之禮

成有罪幕府奏收其封毀城徙大野松平直明于明
 石土井利房于大野西尾忠成于橫須賀○三年正
 月朔江戸大水兼輝辭右大臣十三日以内大臣兼
 熙代之權大納言公規為内大臣○二月九日立朝
 仁親王為皇太子右大臣兼熙傳之自上古至
 後龜山未曾闕是典而後龜山傳後小松之後
 不復起坊宮者十三世至是修此禮十四日立女御
 房子為皇后稱中宮大將軍使松平讚岐守等朝
 賀為令禁庶民衣錦繡綾綺○四月五日光地大
 震二十二日清凉殿設歌會權中納言藤原資茂奉

行○六月江戸旱頭城郡桑取谷獲異獸時謂為佛
 拂高四尺八寸毛色赭黑長可五寸口廣一尺六寸
 鼻耳之間一尺八寸重當二十六貫錢○九月前大
 納言藤原隆負有罪二十一日勅停其朝參○十
 二月三日以後光明皇女孝子皇女憲子為内親
 王九日憲子内親王降嫁近衛藤原家熙初禁郭
 之内禁復輿是歲始許乘之入郭門○甲子貞享
 元年正月二十日停權大納言藤原賴孝朝參大將
 軍奏改喪服之制○二月二十一日改元貞享二十
 六日伊豆大嶋之山焚聲如雷灰沙自山頂大下填

海成山明日熄京師災○三月三日詔陰陽博士

造貞享曆

安倍泰福改曆法廢宣明曆用大紬曆至十月成賜

名曰貞享曆自清和帝貞觀中廢大衍曆行宣明

曆不改曆法者八百二十餘年至是泰福共弟子澄

川都等據明大紬及元授時曆改治之而以年號名

曆法此為始○四月五日革堂側火延燒東宮及

縉紳宅若干區○五月二十七日皇太子徙居前

關白房輔第○六月十五日修東福門院十七年

少老通秀殺大

齋行法華懺法于清涼殿公辦法親王主之至十九

老正俊

日畢○八月少老石見守稻葉通秀刺殺大老筑前

守堀田正俊于營中老中大久保忠朝戶田忠昌阿

部正武趨救弗及仍偕殺通秀焉或傳正俊驕恣奉

役無狀通秀怒之故殺通秀一作正休○九月左近

衛中將藤原季光卒西園寺公益之子是為大宮家

祖○十一月二十七日以皇姪尚仁為親王○十二

月十二日以權大納言藤原定誠為內大臣十八日

新院勅停前權中納言藤原定淳定淳為新院傳

江戶置天文方

奏違院命故也幕府始置天文方遷碁方安并都

為之以其尤善天文曆數也都字算拈一作三拈號

春海嘗改氏澁川子孫世其役幕府命松平忠冬撰

月令新刊一三月記月卷之三

台德公記成名東武實錄是歲詔神祇權大副祭
 主大中臣景忠列公家聽昇殿景忠天兒屋根命苗
 裔伊勢廟官神祇大副友忠之子是為藤波家祖幕
 府奏徙本多政武于姬路小笠原貞信于越前勝山
 ○二年正月大將軍奉勅獻其日次記二百三十
 五冊賀正使飛驒守畠山義里兼之使○二月先是
 幕府奉勅再造東宮至是成皇太子自鷹司
 氏第徙焉二十二日夜新院崩年四十九稱後西
 院同時有大星起東南墜于西北光照如晝頃之有
 如登^{大星}如雷^{光照}○三月七日葬後西院帝于泉涌寺○五

月二十二日御匣局薨明年五月贈准后稱逢春
 門院○六月二十四日免前權大納言賴孝罪阿媽
 港使須安發負送我民十二人至長崎上書曰殊崇
 日本故納漂人非為欲互市幕府以日向守松平信
 之為老中○七月幕府答阿媽港使曰昔來嚴禁通
 信自今後我民漂流勿送歸之給糧及薪水遣歸漂
 人渡會郡神社藤原二村商舶去冬漕薪往江戶還
 至伊勢大山洋為風所漂是歲正月著阿媽港屬嶋
 摩屢荔羅二月遂如阿媽港有一姬言妾本日本人
 昔長崎處流來焉漂人雇夷毀船併烟草五十苞鬻

減互市額

和佐
臺六
射

之以其直銀及帆破等而還○九月幕府奏以相摸
守土屋政直為所司代徙前所司代小田原稻葉正
通于高田先是清及紅夷互市每歲出銅及雜品當
銀一萬三千貫錢至是幕府減省之清商給銅當銀
五千貫錢雜品當銀一千貫錢紅夷給銅當銀二千
貫錢雜品當銀一千貫錢○三年正月幕府奏徙加賀
守大久保忠朝于小田原忠朝曾祖忠隣遭馬場忠
時讒褫封終寃至是復舊封○三月二十六日以權
大納言藤原家熙為內大臣○四月京師火和歌山
臣臺八郎射於蓮華王院堂綠一晝夕發一萬三千

五十餘箭中鵠八千一百三十三矢時人稱為天下
第一慶長以來善射者皆試於此堂標其發數而如
臺者前後無之云○六月十八日 勅伊勢賀茂春
日平野松尾祝人延曆園城東寺興福東大僧徒讓
天變七日右少辨藤原宣定奉行○七月 後西院
皇女益子內親王降嫁九條藤原輔家二十四日大
風拔木破屋○九月十八日修 後光明帝三十三
年忌齋行法華八講于清凉殿至二十二日畢以皇
女榮子為內親王林信篤木下貞幹奉教撰武德大
成記成○十一月榮子內親王降嫁二條藤原綱平

○四年正月二十三日 皇太子加元服○三月二十一日 帝讓位於皇太子 詔關白兼攝攝政 在位二十四年改元者三日延寶天和貞享享保十七年八月崩年七十九合祀于下御靈祠 帝性聰敏最善和歌院中御撰有新明題集時多能歌臣藤原實陰源通躬藤原公福藤原光榮藤原為久等為其尤世以為不愧古朝 帝嘗損數百金得名碗爺爺屋者聽治之暇以示群臣咸奏珍寶正二位勸修寺經敬獨以神國至尊奈何貴重外土故碗而甜之欲諫爭故稱老眼難睹奉之出殿緣佯為失手墜于石上御碗碎壞滿座失色經敬徐進 御前誓首謝罪因曰臣欽惟古來御器皆用國產臣未聞以漢土故碗充供御願陛下勿復求此等物妄財用矣 帝心嘉其直言終不問之 皇太子立是為 東山天皇

爭臣經教

東山天皇諱朝仁 靈元帝第四子也母大典侍諱宗子號 敬法門院內大臣中御門藤原宗條之女 天和三年為 皇太子至是受禪時年十三二十五日尊 靈元帝曰太上天皇嫡母 中宮曰新上西門院二十六日 靈元上皇徙居院左大臣基熙右

大臣兼熙内大臣家熙並如故○四月十四日遣兵
 庫頭王兼字神祇大副大中臣景忠小舍人齋部清
 房奉幣于大廟告嗣位二十八日行即位禮○
 五月大將軍使侍從肥後守保科正容等朝獻名刀
 一口白金五百枚綿五百屯獻明正上皇靈元
 上皇名刀各一口白金各三百枚綿各二百屯新
 上西門院名刀一口白金二百枚綿一百屯以賀之
 四位五萬石以上諸大名亦各使使奉賀於是特授
 正容左近衛少將○七月聖護院道祐法親王奉
 勅詣大峰○八月二十三日詔權中納言源重條

嘗復大

再造大

參議藤原隆真檢校大嘗事○十月幕府以所司代
 政直為老中大和守内藤重頼為所司代○十一月
 六日遣兵庫頭王兼字祭主大中臣德忠小舍人齋
 部清房奉幣于大廟告復大嘗十六日大嘗後
 拍原帝廢是典之後更以海内大亂不得復行慶長
 以還頻舉舊儀未及大祀至是復之設悠紀主基二
 殿取嘗禾於近江丹波以修○元祿元年二月朔以
 前大納言藤原宗條為内大臣罷十六日以藤原家
 熙再為之○四月詔東大寺龍松院主公慶募天
 下再造大佛殿至寶永二年始成殿高二十五間南

江戶
國寺
創護

北二十七間五尺東西二十五間清船之入長崎也
 未曾有定其歲額於是幕府始減定之七十艘為限
 後增十艘○九月晦改元曰元祿○十一月幕府徙
 筋違知足院于神田改曰護持院奏請授院主隆光
 大僧正光筑波山知足密院主也尋為密僧尊融建
 一刹于牛込名護國寺初營婢木莊氏親大猷公有
 身乃使尊融禱之生男是為大將軍故特見寵遇賜
 是刹云又為密侶覺彥建靈雲寺後徙護持院于護
 國寺內○十二月大將軍命刊印四書直解納之于
 伊勢鶴岡日光東叡三緣山王六所謁忍岡孔聖祠
 是歲奏封源義直孫義行于駒野徙濱松太田資直
 于田中○二年正月二十九日尊所生大典侍曰准
 后○三月二十七日以攝政兼輝復辟關白○八月
 彈正尹八條尚仁親王薨年十九親王侍讀有栗山
 愿字伯立撰保建大記是夏成文辭雅嚴議論確偉
 時年甫十九後應水戶之徵入彰考館與三宅緝明
 安積覺森尚謙等同校大日本史寶永中年未滿四
 十沒有子曰平藏亦好學○十月十六日 詔皇弟
 作宮紹八條殿封改第名常盤井殿○十一月從三
 位藤原誠光卒權大納言柝原資行之子是為三室

日本書紀卷三
 其來本

江戶徵季吟

戶家祖其子正三位德光為北小路家祖○十二月
 幕府徵京師玉津嶋祠人李吟為歌學方李吟近江
 北村人從松永貞德受詞學長斯道博覽國朝古書
 及漢籍自號拾穗軒又呂菴常解註源氏伊勢大和
 物語枕草紙徒然草土佐日記八代集等五十餘種
 源語曰湖月抄枕草曰春曙抄至寶永歿年八十六
 其子湖春亦有歌名工連歌又徵伶官拍高規拍近
 方秦兼種秦兼竹及畫人住吉廣澄廣澄繪局司土
 佐光則之孫踰具慶紹其家法以佛像人物著李吟
 廣澄子孫並世其俸或傳光則住和泉寬永中歿其

江戶徵季吟

子法橋住吉廣通廣澄之父光則四世祖為光信本
 姓藤原家世掌繪局任土佐守光信因以土佐為氏
 云光則有子光起繼家任左近衛將監掌繪局茲削
 髮叙法橋踰常昭善人物花鳥畫臻佳妙先是土佐
 氏畫格漸衰至光起復大振是歲幕府貸予清舶衆
 長崎地七千六百坪令共館焉○五年正月十三日
 兼輝辭關白以左大臣基熙代之補藤氏長者聽內
 覽賜隨身兵仗牛車○二月權大納言藤原宣豐薨
 宣豐贈內大臣勸修寺光豐之子是為芝山家祖光
 豐姪經廣子權中納言經尚為穗波家祖○三月一

品輪王寺天真法親王薨年二十六 後西院第五
 皇子也金澤火○五月參議前右衛門督平時成有
 罪六日 勅解官幽之○六月大將軍命法印林信
 篤講四書于營中當番諸士聽之自開講焉爾後月
 行之○七月建學校于府下神田命右京亮松平輝
 貞董役○八月京師大雨山崩○十一月幕府以因
 幡守松平信興為所司代明年八月卒○十二月關
 白基熙辭左大臣二十六日以右大臣兼熙為左大
 臣前內大臣經光為右大臣京師災三井寺長吏道
 祐法親王薨年二十一 後西院第七皇子也○四

江戶
建聖
堂

年正月神田學校孔聖廟成稱聖堂大將軍自書其
 額曰大成殿命林信篤蓄髮解衲奏請任大學頭自
 室町氏使五山徒掌外國書信經筵曆日等事以來
 業儒者皆倣之祝髮衣衲大將軍深歎之至是遂革
 其弊由是諸藩文學至理儒爭先蓄髮惟醫畫襲法
 樣云○二月大將軍命信篤移忍岡孔聖顏曾思孟
 像于聖堂新製十哲神主命狩野洞雲作七十二賢
 及諸先儒圖親講論語于營中諸近侍聽之後數親
 講令諸大名僧侶醫員等聽之○三月十三日遣使
 六條長講堂修 後白河帝五百年忌齋縱民拜

後白河御真即 後白河帝所自畫也堂中今尚藏
之堂即 後白河薙髮後所御之宮今僅存遺趾高
野山寺火○四月幕府奏禁日蓮教派悲田宗命江
戶法華寺感應寺自證院等改宗天台○六月十七
日阿蘇山晦冥雨石自巳至午而止○八月四日阿
蘇池赤如血鯉鮒多死藏人中勢權大輔源冬仲卒
五辻家族也是為慈光寺家祖熊澤了介歿介京師
人云西海人幼而仕岡山光政光政愛其才學比
弱冠將大用辭曰未學因乞遊學師事江准命召
還秉政十有餘年治績聞遠邇致仕歸京師遂歿于

了介

古河初甚疾浮屠參日政而後不縱排之梵唄難解
就政問之嘗曰漢儒訓詁宋儒性理王子心法各有
正旨擇之無偏執則自成聖學之全體矣但初學由
朱註辨文義更直讀經文遂以經解經則面大聖之
意必生矣介旁能和歌所著有論語孝經中庸小解
大學惑問小解集義和書三輪問答武將感狀記等
○閏月大將軍奏起望火樓于建禮門之南命伊勢
守小出英利直焉自後織田本多青山市橋山谷青
木北條小堀今部谷等近都武族每半歲更直世謂
之內裏救火夫至享保中廢之以佐渡守小笠原長

重為所司代。○九月世傳賜密教新義祖覺鑊謚曰興教大師。明年東山智積院修其五百五十年齋。此寺初在四條川西曰祥雲院。秀吉夫人淺野氏為其子捨君。真福所建也。慶長中院主正憲奉幕命復立。根來派是院為真言新義宗寺。或傳元和初院主日譽奉幕命興復新義。因冒根來舊稱。改曰智積院。是歲幕府撤間街之近衛以南。勘解由以北。市舍以廣。禁郭西南隅。徙松平輝貞于壬生。○五年正月朔日食。○二月京師火。○四月八日東大寺會僧一萬人為大佛開眼之供養。自三月行之。至是而畢。佛像高

六丈蓋聖武帝所創也。永祿中佛殿罹久秀兵燹也。像堅唯首鑠焉。其後州士道安繕鑄之。復舊而巨像露坐者百有餘年。至是殿成再點睛。云常盤井王作宮薨。上皇第八子也。○七月幕府奏流高野興山寺主來迎以下行人僧六百八十餘人。天正中秀吉欲滅高野根來而焚根來寺也。高野山徒失色。不知所出。於是行人應玄奉嵯峨帝璽書詣軍門。白曰。祈從此詔勿伐金剛峰寺。秀吉一覽因罷其兵。尋為應玄建興山寺。奏請後陽成帝賜御書額。東照公亦寵其二世勢譽。命分學侶行人之派為立文殊。

院而三世應昌四世立詮五世雲堂皆負祖功每凌
 學侶與之爭事數違幕斷至是大將軍大怒六世來
 迎等不奉新令流之命奉令行人輪番寺削白川松
 平忠弘封徙之山形命日田松平直矩徙治白川忠
 弘失政故○九月大垣災權中納言源光國建贈左
 近衛中將三位橘正成墓碑于湊川○十二月闕下
 中筋里火延燒緋紳宅若干區法性寺東北院真如
 堂等經光辭右大臣十三日以前內大臣公規代之
 ○六年正月彥根大火○二月大將軍親講中庸命
 大名百五十餘人聽之○三月大將軍為上之答

帝朝
上皇

賀正使藤原資廉藤原基時 明正上皇答賀正使
 藤原俊廣 靈元上皇答賀正使源重條設經筵親
 講大學時左大臣藤原兼熙大乘院門主覺雅亦至
 幕府乃與俱聽之播磨大水多溺人○四月九日
 帝朝 靈元上皇大將軍親講周易本義令天下武
 人及僧侶祠人道士等聽之爾後月親講之至十三
 年而畢○五月大坂災○六月幕府徙真如堂東北
 院極樂寺等于東山○七月三山檢校聖護院道尊
 法親王詣大峯○八月公規辭右大臣七日以內大
 臣家熙代之權大納言藤原實治為內大臣大將軍

江戶建新大橋 復祭

同生母本莊氏適生母之兄因幡守本莊宗資館○
 十一月十二日以權大納言藤原綱平兼右近衛大
 將○十二月十八日以權大納言藤原輔實為內大
 臣左大將如故尼崎火是歲幕府建隅田川新大橋
 ○七年二月江戶災○四月乙酉遣左近衛權中將
 藤原定基等祭賀茂下上兩廟世所謂葵祭是也自
 後醍醐朝季廢是典者三百六十年至是大將軍
 奏請修之爾後歲納穀千五百石充祭費或傳御影
 祭亦自是復行伊賀植野災○五月式部卿伏見貞
 致親王薨子邦永嗣王性好鍛暇日便鑄劔刀家傳

增上寺住持 始任 大僧 正

其尤利者賞鑒者以為不減古工正宗云二十七日
 秋旧地震廬舍多壞且災壓焚死者三百餘人○九
 月大將軍嘗數謁聖堂於是同所生本莊氏謁焉○
 十月天台座主青蓮院尊證法親王薨年四十四
 後水尾第十三皇子也以增上寺主了也為大僧正
 以幕府請始授增上之僧挑青歿青姓松尾本名宗
 房植野藤堂氏臣長禪學好和歌慕僧西行風調嘗
 致仕入京師從李吟學數年妙於諧歌遂為斯道中
 祖終身行脚諸州嘗結廬于江戶深川多植芭蕉自
 號芭蕉翁是歲幕府奏以柳澤保明為川越大名本

柳沢
本在
名列
犬名

義宗資為笠間大名○八年二月守陀伊豆守織田
信武獲罪自殺幕府奏削其封徙嗣子信休于栢原
江戸大火○三月大將軍為 天皇 明正上皇
靈元上皇答賀正使及仁和寺寬隆法親王親講易
奏收飛驒守本多重充封放之因幡重充一作重益
慶長中本多成重封于九岡其子重能重能子重照
重照子重充相繼治焉而重充坐不能制臣下及之
後召還為旗士重照臣郡代下間照房之子照令仕
備後守永井直清為給人寬文中致仕入京師○四
月乙酉遣左近衛權中將源博高等行賀茂祭二品

幕府
愛養
狗類

妙法院堯恕法親王薨年五十六後水尾第八皇
子也○九月大將軍奏始改鑄大銀小銀方金銀
碎銀款之以備號曰元但金幣正而作桐章其文曰
壹兩曰一分及形重與銀幣皆如慶長舊制而小銀
重四錢八分○十一月幕府悉收江戸狗造之廬于
府下中野養以米飯澤比留二七掌之狗十萬頭所
食日數百斛或曰大將軍自天和初喪世子百方求
嗣不得僧隆光進言曰人之乏嗣皆前生多殺生之
報故求子之方莫善於愛生而大君誕歲在丙戌因
最愛狗類大將軍然之嚴令府下撫養狗類而民殺

之抵罪者歲有之大將軍更大傷之故有是命○十
 二月十四日以伏見邦永為親王後任中務卿江戶
 火是歲幕府奏徙有馬永純于丸岡松平輝貞于高
 崎加藤明英于壬生鳥居忠數于水口○九年正月
 大覺寺性真法親王薨年五十八贈一品後水尾
 第七皇子也幕府又增京師町奉行一員以山城守
 瀧川利庸為之兼伏見奉行後數年廢之○嗟峨民
 合力建渡月橋○三月天下飢津輕多餓死者京師
 市廳發穀一萬三千石賑貸都下及伏見民○四月
 乙酉遣左近衛中將藤原隆長等祭賀茂廟初復是

書類
連類

贈正
一位
於多
田廟

典也祭乘殘其儀注不詳時有四條街澤木七郎家
 傳此會古圖卷乃徵而斟酌之得舉舊儀然前二祭
 使未具牛車至是出之鹵簿始備云○六月江戶地
 數震○七月二日詔皇弟文仁紹常盤井殿封改
 曰京極殿初京師醫人松下秀明錄累世陵所自
 瓊瓊杵尊至正親町帝至是成名前王廟陵記秀
 明字見林號西峰博覽能治痾嘗又著學原一卷古
 語拾遺考○八月二十六日贈左馬頭源滿仲正一
 位遣使至多田廟宣命祭之○十一月十日本
 院崩年七十四稱明正院二十五日葬于泉涌寺○

贈大師
念於
宗祖

十年正月十八日贈大師於念佛宗祖源空謚圓光
大師遣少納言清原宣通于大谷寺宣命大谷即
知恩院○二月幕府修平野祠二十五日大婚幸仁
親王女幸子為女御大將軍使中務大輔本多政武
等朝賀○三月幕府始量定金銀箔工外貨商戶四
月以所司代小笠原長重為老中紀伊守松平信廣
為所司代○五月十一日以京極文仁為親王尋任
兵部卿十四日以幸仁親王叙一品任式部卿○六
月大將軍奏始鑄二銖金文曰二朱其額置桐章重
六分朱銖省文○七月正二位權大納言藤原冬基

東叡
山起
中堂

薨後陽成皇子一條昭良之子嘗分房列清華是
為醍醐家祖○十月幕府始收諸國酒稅○十一年
六月朔京師風北野影向松倒○七月幕府以出羽
守柳澤保明為老中奏請任左近衛少將保明初側
衆有寵於大將軍嘗頻加封列大名至是陞老首兼
政權尋賜偏名更吉保冒松平氏○九月先是幕府
起一堂于寬永寺擬根本中堂成上皇賜御書額
曰瑠璃殿三日帝遣右中辨藤原輝光于江戶慶
之六日江戶大火東叡山嚴有公廟公辨王弟並延
燒瑠璃殿得免是日幕府設大會落之時人因呼勅

幕府
復立
高田
氏

長胤
秦使
過期
故坐

額欲災是秋美作守津山森長成以罪奪封高田光
長之敗其嗣子綱國亦見遠竄至是幕府命白川直
矩次子宜富繼光長奏封之津山授少將○十一月
以宇治彌宜荒木田守洪叙正三位○十二月幕府
奏收中津修理大夫小笠原長胤封以過入朝之期
也江戶大火避之溺隅田川者千二三百人幕府發
穀七千石賑貸前後遭災民○十二年正月內大臣
輔實辭左近衛大將二十日以後右近衛大將綱平
轉之尋任左馬寮御監賜輔實隨身兵仗○三月幕
府鑄新錢于八條磧文曰寬永通寶背文曰元大將

江戶
建永
代橋

軍從母本莊氏請建隅田川永代橋○七月賜式部
卿有栖川幸仁親王牛車薨子正仁嗣○八月十五
日大風發屋東國尤甚○十月朔以權大納言藤原
伊季兼右近衛大將補右馬寮御監幕府以但馬守
秋元喬知為老中是冬天下飢江戶甚○十一月朔
日南至○十二月二品梶井慈胤法親王薨年八十
三後陽成第十三皇子也○十三年正月朔日食
明日行元日節從一位前左大臣鷹司藤原房輔薨
年六十四子兼熙嗣○七月幕府令禁屠江鰻泥鰍
屬○九月幕府修北野廟命伊勢守小出英利助役

遣稻元某監工○九月以山田禰宜渡會常有叙正
 三位渡會未彥叙從三位○十一月東國飢江戸火
 聖堂延燒○十二月聽權大納言藤原家久帶劔權
 中納言源光國卒權中納言賴房之子自幼英明嗜
 學好義嘗慨舊史闕文奏請假御府秘冊募索天下
 逸書編修 歷朝實錄曰大日本史又嘗撰次禮義
 類典獻之于 上皇嘉納故出秘書若干帙俾增緝
 之又有一代要記扶桑拾葉集等光國性仁恕嘗老
 於久慈西山疏木造小房草覆之自稼穡以嘗民艱
 苦更薄稅歛使之窮皆免飢寒云卒年七十二私謚

自據

義公是歲幕府奏徙堀田正虎于山形板倉重寬于
 福嶋修香取祠○十四年正月朔日食幕府以丹後
 守稻葉正通為老中曾契冲歿冲字空心攝津人住
 圓珠菴善和歌首倡萬葉古風源光國聞其精粹命
 註萬葉成名代近記既而冲自請註古今名餘財抄
 又著勢語臆斷等弟子若冲似閑並能國風○三月
 十四日營中内匠頭淺野長矩擊上野介吉良義英
 傷之坐賜死初 朝廷答賀正使藤原資廉藤原保
 春至幕府也大將軍使長矩伊達宗春饗之命義英
 掌事意英性貪而無厭啣長矩賄已不厚不敢指揮

義英貪而無厭

改造六孫王廟

長矩不悟屢問饗禮不答至是又面辱之于廊間長矩憤懣拔刀擊之會梶川某救不死時天使莅白書院將傳詔以變作移黑書院行事大將軍大怒長矩亡狀即日奏使自殺尋收其封停義英伊勢龜山城下青山家臣石井源藏半藏兄弟斫殺父讎赤堀水助○六月十六日美濃雨雹傷人二十日京師大雷水震百許處震溺死者百七十餘人○八月幕府改作六孫王經基廟廟在八條大通寺即貞純親王源經基父子第趾也寺僧南谷因柳澤吉保上書請修造故修之於是廣寺境壯佛圖摸多田祠營之

東國大飢

云南谷本名元勝松下助三之弟幼歲以父故為浮屠能書名世○十月正二位權大納言西三條藤原實教薨年八十三子公福嗣○十一月十八日進源經基神級遣神祇權大副大中臣德忠至八條廟宣命二十二日進壺井廟神級遣左兵衛權佐卜部兼章至廟宣命壺井在河内古市郡即源賴信源賴義源義家宅趾而各廟在焉○十二月三日遣左少辨藤原尚長于平野行遷祠儀勸修寺濟深法親王薨年三十一上皇第一子也十七日皇子慶仁生東國大飢江戶餓莩載路幕府於本所靈山寺設

義士終事

場施粥及衣被賑之至明年三月而止是歲奏徙本
 多利久于絲魚川稻葉正通于佐倉○十五年二月
 朔暮有白氣長二丈餘見西南至四日乃不見江戸
 大火○三月 帝聞伊藤維楨名 命求其文覽之
 幕府修仁和寺御室及伽藍世傳京畿諸法親王第
 及附院皆幕府比例修之後世除仁和寺外罷之進
 葺金○十二月初赤穂宰大石良雄以主死國除皆
 由義英欲報之陽家山科為放浪密會同志計復讎
 至是良雄良金父子以下四十餘人夜襲義英本所
 館殺之明日使吉田兼亮等詣大目付自首自引發

東國地震

至泉岳寺長矩墓賽義英首仍待罪幕府分囚之于
 府下明年二月賜死遂流義英嗣子左兵衛佐于信
 濃收其邑是歲命伯耆守本多正永再築于沼田鎮
 為徙本莊資俊于濱松牧野康重于小諸永井直敬
 于赤穂後四年直敬徙于飯山○十六年正月基熙
 辭關白十四日以左大臣兼熙代之補藤氏長者聽
 內覽賜兵仗牛車○九月幕府徙堀川大炊市民于
 真如堂趾京極今出川○十一月十四日江戸大火
 幕府品川別第延燒二十日夜相摸藏上野地
 大震江戸城郭多壞士民館宅一無全者小田原尤

幕府 諸陵

甚市舍盡壞且災箱嶺崩海暴溢民壓焚溺死無算
 同時安房亦海溢破千餘家溺死數千人二十九日
 江戸大火聖堂延燒兩國等數橋焚而民溺水七八
 百人 帝以天災頻至命奏神樂于内侍所奉幣于
 二十一祠禱天下安穩尋改年號前此三歲幕府修
 先王諸陵是歲成古山陵頽廢最久矣或至民不
 知其為 皇墓而耕莠焉柳澤吉保嘗以告大將軍
 因有此舉乃植藩起屏以正兆域而不詳其所也考
 諸載籍問諸土老因趾再造二十五所云結城右大
 將賴朝子七郎朝光之所封也慶長中其十八世晴

朝無嗣毀城至是幕府命福山水野勝長再築之徙
 鎮焉○寶永元年正月關白兼熙辭左大臣十日以
 前右大臣經光為左大臣明日辭以右大臣家熙代
 之二十三日以前内大臣實治為右大臣尋賜隨身
 兵仗○二月實治罷五日以内大臣輔實代之二十
 三日以前權大納言源通茂為内大臣罷二十六日
 以權大納言綱平代之左大將如故通茂能和歌名
 世○三月幕府奏開一河于畿内引大和川達于界
 浦長四里二十八町名新大和川命姫路本多政武
 助役十三日改元寶永四月朔大赦天下○七月自

日本書紀卷之三 三 其親書藏版

前月江戸東北諸國大雨水二日利根川決猿股衝
 本所猿股村落蕩盡人多死○九月幕府以伯耆守
 本多正永為老中東國飢○十二月大將軍以其從
 子參議綱豐為世子改名家宣世子大猷公次子綱
 重嫡子也於是舉甲斐賜榊澤吉保從谷村秋元喬
 朝于川越封甲府世臣戶田忠利于足利○二年二
 月五日以大將軍為右大臣參議源家宣為權大納
 言叙從二位遣前大納言藤原資廉前中納言藤原
 保春就江戸拜焉大將軍奏增供御田○三月大將
 軍使雅樂頭酒井忠舉大納言使隱岐守松平定直

仁齋
倡古
註

侍講
不講

共朝謝恩伊藤維楨歿維楨字原佐京師堀川人初
 宗宋儒著大極論心學原論後頗疑之據漢唐等古
 訓發明經意時人以為真儒出現每一篇出四方爭
 傳名聞海外所著有論孟古義中庸發揮大學定本
 語孟字義童子問和歌集歿年七十九 上皇嘗召
 其高第北村可昌進講稱 旨賜以綿硯藥物等楨
 有五子長曰長胤次曰長英次曰長衡次曰長準次
 曰長堅皆以儒雅聞長胤繼家餘皆為大名文學肥
 後藩厚幣迎禎辭曰毋老侍養無人終不仕長堅博
 學能文名亞長胤紀伊藩聘之始侍講對書不講滿

明治新刊十三朝紀聞卷三
 三十三
 仁齋
 侍講
 不講

座汗掌以為斯人生長寒陋不慣說於大人故視魏
 巍而失志也納言使促之未應納言亦訝之既而徐
 荅曰君公坐褥未可講聖經也納言聞遽去褥初講
 音吐朗暢聽者咸歎賞云先是仲村之欽歿之欽字
 敬甫京師人以精朱熹學與維楨相敵室直清等推
 為近代醇儒其教人以小學近思錄開發之憐憐至
 老不急旁通天文地理度衡類又達音律著書甚多
 ○四月京師兒童爭詣大廟時謂脫詣又御蔭○
 九月從一位前右大臣藤原兼輝薨年五十四聖護
 院道尊法親王薨年三十一後西院第九皇子也

幕府以加賀守大久保忠增河內守井上正岑為老
 中○十月追贈參議源綱重中納言○三年正月江
 戶火○三月關白基熙適江戶既歸京師權中納言
 藤原基輔從幕府之請書神田學校諸門額○六月
 幕府奏改鑄元字銀其款用省文宝字謂之宝字銀
 古來銀幣皆有寶字故以省文別之二十六日西海
 大風肥後大水○七月一乘院真敬法親王薨年五
 十八後水尾第十二皇子也幕府改造根津祠根
 津贈中納言綱重臣也初綱重有過根津諫之弗聽
 憂憤發病而死綱重悔而憫之又特見怪異以為其

皇清通志卷三

五十四

根津切諫

勵因立之廟于谷中別莊至是幕府世子以其生父
臣故請大將軍修之或傳綱重沈湎于酒根津數諫
弗聽一日乃捫綱重舉白之手以諫爭綱重大怒即
手刃之既酌忽見根津捫腕使不飲如故大驚廟祀
之○有年○十月實相院義延法親王薨年四十五
後西院第四皇子也巖槻災○十一月伊勢山田
火七條鴨川西北廢田起市街曰七條新地後正德
三年其北又起市街曰六條新地蓋大和大路三條
南市街亦此間起也初寬文六年三條川東四條川
東知恩院前並廢田起市街其四條曰祇園町亦後

造東宮

正德末廢祇園町北三條街南之田起市街祇園新
地是也時祇園南安井前等市街亦起云是歲幕府
奏徙飯山永井直敬于巖槻上田仙石政明于出石
封森長成叔父長直于赤穗○四年正月正二位前
右大臣一條藤原教輔薨年七十五子兼輝先薨
司房輔子兼香繼之江戶火○二月仙臺大火○三
月江戶火○四月二十九日以皇子慶仁叙親王為
儲君○五月三日以女御幸子准后○八月大將軍
奉勅新造東宮于凝花洞宮趾命町奉行安藤次
誠及小堀憲充監工明年閏正月成凝花洞宮後

明新開 卷三 四十五 其新撰

西院脫履之後御所也此東宮北到鷹洞街南勘解由小路東界街西東洞院街正門東向楣間刺費長房琴高等像便門北向瓦為屋四十八九宇鋪席三千九百餘隻○九月一品仁和寺寬隆法親王薨年三十六上皇第二子也幕府始祭六孫王廟都人以祀儀之美踊為寶永祭一時謠之○十月四日東海南海畿內地大震相摸以西尤甚或地裂人壓遠江伊豆紀伊土佐伊豫攝津海溢破新井白須賀二驛○十一月六日以公辦法親王為准后以堯延法親王為天台座主二十三日富士山焚大發黑煙兩

富士山焚

灰沙晝晦人不得相見江戶去山三十里亦焚聲如雷陰晦秉燭及夜山大焚兩灰沙益甚東至安房二總及海二十四日晴如恒二十五日復陰晦雨灰沙至二十八日而止伊豆相摸駿河灰積或二丈餘武藏或尺餘或七八寸是時山之焚口素走生海山世呼寶永山二十七日基熙辭關白以左大臣家熙代之補藤氏長者聽內覽賜牛車兵仗幕府停諸藩諸鈔山東田地多為灰沙埋沒人民窮困於是幕府課諸藩每秩百石出金二兩以賑武藏相摸民遂大興功役掃除其二國積灰然深厚不可除者皆為不毛

○五年正月幕府奏鑄大錢文曰寶永通寶以一當十至四月始行關白家熙辭左大臣二十一日以右大臣輔實為左大臣內大臣綱平為右大臣權大納言伊季為內大臣二十八日儲君親王始讀書三位明經博士清原弘賢侍讀○閏月幕府移武藏相模駿河村落為灰沙所埋者于他○二月儲君親王徙東宮十六日立為皇太子右大臣綱平傳之二十四日皇太子入觀二十七日立准后幸子為皇^{大內}后稱中宮大將軍使讚岐守松平賴保豐前守品川某朝賀之○三月八日未時皇宮上皇宮東

宮及准后中御門氏宮並災帝避火于下鴨遷于上鴨遂同皇太子幸關白家熙第上皇避于妙法院此火起自三條油小路會西南風烈上至今出川下錦小路東賀茂川公卿第舍九十區武館二十餘區民房二萬一百餘間及河合下御靈寺祠皆燼九日上皇移幸權大納言藤原兼香第京師地生毛長四五寸踰月乃止○四月吉田祠宗源殿火○六月天台座主曼珠院良應法親王薨年三十一後西院第十皇子也大將軍奉勅作禁內上皇宮新上西門院宮東宮課天下大名助役遣

建部内匠頭等監工於是撤烏丸鷹司市舍廣新在家郭門南此門明曆中已有或傳是時建之者非矣
○七月二日畿内近江伊勢大風京師拔喬木倒廬舍幕府命柳澤吉保鑄小銀于其邑所謂甲州金也
○九月二十九日以有栖川正仁為親王後任太宰帥長崎互市出金銀也正保已前不詳之數其五年至是六十一年之間出金三百三十九萬七千六百兩銀三十七萬四千二百九貫錢銅則寬文三年至是三十六年之間出一億一萬一千四百四十九萬八千七百斤○十一月福岡岡山災二十八日信濃

淺間岳焚聲如雷雨灰沙于傍國左京權大夫藤原為量有罪晦褫其官○十二月内大臣伊季辭右近衛大將十九日以權大納言源通誠兼之二十九日大坂災燒七十五百許家○六年正月右大臣正二位征夷大將軍薨年六十四世子權大納言嗣時年四十八於是乃罷老中柳澤吉保黜前世諸近侍停當十錢毀中野狗廬放之二十三日贈大將軍太政大臣正一位賜諡曰常憲院遣内大臣藤原伊季等宣命○二月采女正前田利昌斫殺監物織田秀親于修常憲公齋寬永寺内賜之死収其封内大臣

伊季病薨于東海金谷驛清舶吳逸求至長崎歸納
 伊豆陸奧筑前船稍四人改元之冬此儕十五人發
 江戸磐城洋為風所漂次年至呂宋居三歲四人欲
 還航海著浙江乍浦因附其舶而歸○三月十八日
 以權大納言通誠為內大臣幕府免酒税金銀箔課
 ○四月二日以權大納言右近衛大將源家宣為征
 夷大將軍遷內大臣叙正二位補源氏長者右大將
 如故遣權大納言藤原保春權大納言源重條就江
 戶拜焉右大臣綱平權大納言家久並從幕府請東
 下陪拜席室町氏故事也七日以京極家仁為親王

職公文昭

後任式部卿○五月二十一日以伏見貞建為親王
 後任兵部卿大將軍奏赦罪八千八百三十餘人以
 紹職之慶也○六月使掃部頭井伊直通豐前守品
 川某朝獻名刀延壽一口白金千枚綿五百屯獻
 上皇名刀助長一口白金五百枚綿三百屯皇太
 子名刀國俊一口白金五百枚綿三百屯新上西
 門院中宮白金各二百枚縮絹各五十卷以謝轉
 官之恩仙洞宮成十一日上皇自一條氏第徙
 居為二十一日帝在近衛氏第讓位於皇太子
 以關白家熙為攝政在位二十三年改元者二曰元

月合新刊一三月已月一

上見事

